

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona», broj 7/10), a u vezi sa članom 139. stav 1. Poslovnika Skupštine Zeničko-dobojskog kantona –Prečišćeni tekst („Službene novine Zeničko-dobojskog kantona“, broj:12/09, 19/09, 5/10 i 3/12), razmatrajući Amandmane na Prijedlog Zakona o zakupu stana poslanice Emina Huseinspahić, Vlada Zeničko-dobojskog kantona, na prijedlog Ministarstva za prostorno uređenje, promet i komunikacije i zaštitu okoline, na 4. vanrednoj sjednici, održanoj 29.05.2012. godine, d o n o s i

ZAKLJUČAK

I.

Vlada prihvata Amandmane I i II podnesene na Prijedlog Zakona o zakupu stana, podnesene od strane Emine Huseinspahić, poslanice u Skupštini Zeničko-dobojskog kantona.

II.

Zaključak se upućuje u dalju skupštinsku proceduru.

III.

Zaključak stupa na snagu danom donošenja.

Broj: 02-_____/12.
Datum, 29.05.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline
1x Stručna služba Skupštine
1x a/a

Obrazloženje

PRAVNI OSNOV

Pravni osnov za donošenje Zaključka utvrđen je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj:7/10) i člana 139. stav 1. Poslovnika Skupštine Zeničko-dobojskog kantona –Prečišćen tekst („Službene novine Zeničko-dobojskog kantona“, broj:12/09, 19/09, 5/10-isp. i 03/12).

RAZLOZI DONOŠENJA

Poslanica u Skupštini Zeničko-dobojskog kantona Emina Huseinspahić podnijela je Amandmane I i II na prijedlog Zakona o zakupu stana, koji glase:

AMANDMAN I

„ U članu 11. stav (2) riječi „koji je za 50% uvećan u odnosu na iznos“ zamijeniti riječima „koji je jednak iznosu“, ostali dio ovog stava ostaje isti.

Obrazloženje

Imajući u vidu socijalno-ekonomski status lica na koja se odnosi ovaj zakon, uvažavajući činjenicu da je među njima veliki broj socijalno ugroženih, cijenimo da su opravdani razlozi podnošenja amandmana.

AMANDMAN II

U članu 28. stav (5) „u roku od 30 dana“ zamijeniti riječima „u roku od 60 dana“, a ostali dio ovog stava ostaje isti.

U članu 28. stav (6) riječi „protekom roka od 60 dana“ zamijeniti riječima „protekom roka od 90 dana“, a ostali dio ovog stava ostaje isti.

Obrazloženje

Smatrajući da je rok od 60 dana primjereniji od prethodno definisanog roka od 30 dana, Vlada smatra da je navedeni Amandman prihvatljiv.